



Broj: 01/1-02-733/17  
Ilijaš, 30.03.2017. godine

**Z A P I S N I K**

sa 7. (sedme) sjednice Općinskog vijeća Ilijaš, održane dana 30.03.2017. godine, sa početkom u 10:00h.

Sedmom sjednicom Općinskog vijeća Ilijaš predsjedavao je zamjenik predsjedavajućeg OV-a Ilijaš g-din Alen Hasković.

Prisutni vijećnici:

<b>RB.</b>	<b>IME I PREZIME</b>
	<b>SDA</b>
1	MAHIR DEVIĆ
2	ANEL BUMBULOVIĆ
3	MUAMER DERVIŠEVIĆ
4	ALMA OMERović
5	MEHMED SINANOVIĆ
6	ADEM ALIĆ
7	SAUDIN DURMIĆ
8	ARMIN MATORUGA
9	SEMIR DEDIĆ
10	HALID DIZDAREVIĆ
11	RASIM ŠEHIĆ
12	MELISA MATORUGA
13	ALEN HASKOVIĆ
	<b>SDP</b>
14	ALAN ŠERAK
15	DAMIR FILIPOVIĆ
16	MIRSAD OSMANOVIĆ
	<b>SBB-FAHRUDIN RADONČIĆ</b>
17	AKIF BEŠLIJA
18	SEAD ŠEHIĆ
	<b>BPS-SEFER HALILOVIĆ</b>
19	MUHAMED HANDŽIĆ
20	ALMIR ŠPIODIĆ
	<b>GS</b>
21	EDHEM HASANOVIĆ
22	-
	<b>SAMOSTALNI VIJEĆNIK</b>
23	SEMIR DIZDAREVIĆ
	<b>LDS</b>
24	MEHO DŽINDO
	<b>STRANKA ZA SREDNJE</b>
25	BESIM GLJIVA

Odsutni vijećnici:

1. Asim Mujić

Prisutni gosti:

1. Nermina Durić-Kahvedžić-Radio Ilijaš
2. TV Vogošća
3. Mehmed Smajlović – predsjednik Savjeta MZ Mrakovo
4. Meho Tabaković – predsjednik Savjeta MZ Ljubina

Ostali prisutni:

1. Akif Fazlić – općinski načelnik
2. Sanja Zagorac-Jozić – pomoćnik načelnika
3. Sadeta Brkić – pomoćnik načelnika
4. Meliha Avdibegović – pomoćnik načelnika
5. Zdravko Barić – pomoćnik načelnika
6. Nijaz Spahić – pomoćnik načelnika
7. Ilda Kahrman – sekretar OV-a Ilijaš
8. Muvedeta Fazlić – šef odsjeka za opću upravu
9. Vahid Hadžiabdić – građevinski inspektor
10. Sadik Alić – komunalni inspektor
11. Maida Habibović – zapisničar

ALEN HASKOVIĆ – zamjenik predsjedavajućeg

Otvorio je sjednicu i konstatovao da postoji kvorum za odlučivanje (prisutna 24 vijećnika).

Napomenuo je da je vijećnik Semir Dizdarević napustio Klub Demokratske fronte, osnovao Klub Semir Dizdarević i od sada pa u ubuduće će djelovati kao samostalni vijećnik.

Zatim je dao na razmatranje zapisnik sa 6. sjednice OV-a. Primjedbi nije bilo, pa je OV-e jednoglasno usvojilo zapisnik sa 6. sjednice OV-a.

Pročitao je predloženi dnevni red i isti dao na razmatranje.

ALAN ŠERAK – vijećnik SDP-a

Nije mi jasno zašto nije na dnevnom redu Izvještaj o radu JU KSC i Radio Ilijaš, obzirom da smo programom rada Vijeća definisali da taj izvještaj bude na dnevnom redu sjednice u martu. Nisam bio na sjednici Kolegija vijeća, a dobio sam informaciju da je ova tačka skinuta na Kolegiju, a ne znam razlog zbog čega.

ALEN HASKOVIĆ – zamjenik predsjedavajućeg

Zamoliti ću Muamera Derviševaića, člana Kolegija, da iznese obrazloženje.

ALAN ŠERAK – vijećnik SDP-a (poslionička intervencija)

Praksa je da to radi predsjedavajući ili njegov zamjenik ako je odsutan. Ne vidim razlog zašto bi to član Kolegija radio.

ALEN HASKOVIĆ – zamjenik predsjedavajućeg

Na sjednici Kolegija sa dnevnog reda skinuta je tačka Izvještaj o radu JU KSC i Radio Ilijaš iz razloga što još neke stvari treba da se dorade u smislu samog projekta utopljavanja sportske dvorane.

ALAN ŠERAK – vijećnik SDP-a

Da li je taj projekat realizovan u prošloj godini? Dakle, usvajanje plana rada je nešto drugo, ali trebalo je da se podnese izvještaj o radu za proteklu godinu. Po meni, ovo nije neko obrazloženje za skidanje pomenute tačke sa dnevnog reda i ne vidim razloga zašto niste donijeli odluku da se na današnjoj sjednici na dnevnom redu nađe Izvještaj o radu JU KSC i Radio Ilijaš.

ALEN HASKOVIĆ – zamjenik predsjedavajućeg

Na aprilskoj sjednici će biti zajedno i Izvještaj o radu i Plan rada JU KSC i Radio Ilijaš.

ALEN HASKOVIĆ – zamjenik predsjedavajućeg

Ako je općinsko vijeće donijelo Program rada i Kolegij nema mandat da mimo općinskog vijeća neke stvari donosi. To morate znati. Kolegij je tijelo koje nije starije od općinskog vijeća.

MUAMER DERVIŠEVIĆ – vijećnik SDA

Kolega Šerak, mi na martovskoj sjednici pored Izvještaja o radu, usvajamo i Plan rada JU KSC i Radio Ilijaš za 2017. godinu. Obzirom da Plan rada za 2017. godinu nije bio upotpunosti pripremljen, zamolili su nas iz ove javne ustanove da odgodimo za jedan mjesa i zato što to ide u paketu, udovoljili smo zahtjevu tako da će ovaj Izvještaj i Plan rada biti na sjednici u aprilu.

ALAN ŠERAK – vijećnik SDP-a (replika)

Vidi kolega Derviševiću, te stvari, na tvoju žalost, ja poznajem bolje nego ti (procedure, kako šta ide i kako se šta usvaja). Znali smo da će doći do određenih projekata po pitanju KSC-a. Ja znam da se dva mjeseca priča da će se praviti biznis centar u auli KSC-a. Menadžment KSC-a imao dovoljno vremena da pripremi plan rada, da se konsultuje sa načelnikom općine i svima ostalim i da to uvrsti u plan rada za buduću godinu. Izvještaj o radu je trebao da bude na današnjoj sjednici. Tako smo ga mi usvojili. Jednoglasno je usvojem Program rada OV-a i onda Kolegij donosi nekakve zaključke koji su u koliziji sa odlukama OV-a. Po meni, to je vrlo hrabro i smjelo što ste vi uradili.

MIRSAD OSMANOVIĆ – vijećnik SDP-a

Pitat ću predlagača, vezano za tačku 10. i 11., da li je u mogućnosti da nam u toku pauze dostavi tekst konkursa po kojem je potpisan ugovor i doneseno ovo drugo rješenje. Obrazloženje: evo dosljedni smo sebe, od prve radne sjednice do danas, uvijek neke odluke poništavamo, mjenjamo pravosnažna rješenja i interesantno je da su preko 90% tih dokumenata iz imovinsko-pravne oblasti. Meni, kao vijećniku, nije jasno i bojim se, ako ova

dva akta usvojimo, da ćemo poremetiti uslove konkursa.

Načelnice, ne znam da li ste analizirali sve ove dokumente, ineresantno je da svi zakonski dokumenti koje smo mijenjali i poništavali, niti jedan zakon nije promjenjen. Da li su to greške, neiskustvo, neznanje ili nešto treće. Zamolio bih, da bi mogli raspravljati o ove dvije tačke, da vidimo uslove konkursa i da li oni propisuju ovo što je vezano za ova prava koja donose ova dva dokumenta. Ako je moguće da to dobijemo.

AKIF FAZLIĆ – općinski načelnik

Pitanje koje je postavio Mirsad Osmanović želio bih dati jedan generalan stav. Imamo jednu problematiku vezano za realizaciju ugovora u Industrijskoj zoni "Luka" i u tom kontekstu je i ovo konkretno rješenje. Kada smo krenuli sa realizacijom dodjele i prodaje lokacija u ovoj industrijskoj zoni na snazi je bio Zakon o građevinskom zemljištu. U međuvremenu, usvojen je Zakon o stvarnim pravima. Mnogi akti koji su se trebali donijeti donošenjem Zakona o stvarnim pravima nisu doneseni, mnogi zakoni koji su se trebali izmijeniti po tom zakonu nisu izmjenjeni i sada radimo u jednom takvom pravnom ambijentu. Na početku realizacije projekta Industrijska zona Luka mi smo se opredjelili da strogo vodimo procedure na način da se ti lokaliteti privedu namjeni. Onda smo u svojim internim procedurama usvojili nešto što je vrijeme pokazalo da je preteško za investitore. Preteško, prije svega, u smislu da dođu u poziciju da obezbjede kreditna sredstva za realizaciju projekata, odnosno investicija. Svi znamo da se investicije ne finansiraju iz "jastuka", nego iz kredita. Ove naše interne procedure praktično su onemogućile ljudima da dođu u poziciju da budu kreditirani od strane banaka za svoje investicije. Sada naknadno, u par slučajeva, nije ovo jedini, pokušavamo olakšati i dovesti te firme u poziciju da mogu na tržištu finansijskog kapitala i sredstava i doći do izvora finansiranja. Zbog toga imamo malo i zastoj u realizaciji projekata. Ona dinamika od potpisivanja ugovora pa do sada nije željena ni sa strane općine ni sa strane investitora. Evo u tom smislu smo zajedno sa Pravobranilaštvom radili na tome da dovedemo investitore u poziciju da mogu kod banaka uzeti kredite. U tom smislu i jesu ovi aneksi. Dakle, ako ne dobijemo pozitivno mišljenje Pravobranilaštva, nema ništa od toga, a ako dobijemo, a dobit ćemo jer smo u konsultacijama sa Pravobranilaštvom Kantona Sarajevo. Onda mislim da treba da idemo u tu proceduru, jer pravobranilaštvo i sa aspekta struke i naravno ingerencija je najkompetentniji organ koji će reći ovo jeste u duhu, može proći i kada nam oni to kažu, mislim da se mi ne bi trebali opterećavati eventualnim posljedicama da smo nešto pogriješili. U tom želim da imate taj kontekst i to gledanje, a spremni smo da sve što želite da vidite da obezbjedimo.

MIRSAD OSMANOVIĆ – vijećnik SDP-a

Neosporna je podrška izgradnje industrijske zone i pogona, međutim, načelnik mene nije shvatio. Ovo što ja govorim, govorim da ne bi došli ponovo u situaciju i da ne bi napravili ponovo grešku i da ponovo za par mjeseci svojim odlukama blokirali neke stvari. U tom smislu govorim, jer stvarno non stop nešto popravljamo. Ovo je dobronamjerno. Treba vidjeti treba li neka procedura prije ovoga da se promjeni i da kvalitetno ovo završimo jednom i da investitor može raditi posao, može dobiti kredit, odnosno ovaj drugi da može nastaviti sa investicijom koju je planirao.

AKIF FAZLIĆ – općinski načelnik

Mi smo već promijenili proceduru za nove lokacije. Znači, poučeni iskustvom to smo

promijenili.

ALEN HASKOVIĆ – zamjenik predsjedavajućeg

Obzirom da diskutanata više nije bilo, predloženi dnevni red je dao na glasanje.

Općinsko vijeće Ilijaš je jednoglasno usvojilo slijedeći

#### DNEVNI RED

1. Vijećnička pitanja i inicijative
2. Izvještaj o realizaciji zaključaka sa 6. sjednice
3. Izvještaj o izvršenju Budžeta općine Ilijaš za period 01.01.2016.-31.12.2016. godine
4. Prijedlog Odluke o davanju mišljenja i saglasnosti Kantonu Sarajevo na prijedlog Zakona o izmjeni Zakona o komunalnim djelatnostima
5. Prijedlog Odluke o davanju mišljenja i saglasnosti Kantonu Sarajevo na prijedlog Zakona o izmjeni Zakona o komunalnoj čistoći
6. Prijedlog Odluke o utvrđivanju novog građevinskog zemljišta i plana parcelacije za izgradnju turističko-rekreacionog kompleksa "Pioneers System" d.o.o. Srajevo u mjestu Ljubina
7. Prijedlog Odluke o utvrđivanju novog građevinskog zemljišta i plana parcelacije za izgradnju apartmanskog naselja "Alyaseen" Dragoradi
8. Prijedlog Odluka o:
  - a) usvajanju Regulacionog plana "Karaula"
  - b) provođenju Regulacionog plana "Karaula"
9. Prijedlog Odluka o:
  - a) usvajanju Regulacionog plana "Apartmansko naselje Haluge" - Ilijaš
  - b) provođenju Regulacionog plana "Apartmansko naselje Haluge" – Ilijaš
10. Prijedlog Odluke o davanju saglasnosti za zaključivanje i potpisivanje Aneksa Ugovora o prodaji
11. Prijedlog dopunskog rješenja broj:06/1-31-658-1/14
12. Prijedlog Poslovnika o radu Etičke komisije
13. Informacija o dodjeli općinskih stipendija za učenike i studente u školskoj 20016/2017. godini.

#### AD-1

#### Vijećnička pitanja i inicijative

MUHAMED HANDŽIĆ – vijećnik BPS-Sefer Halilović

Pitanje:

1. Kada će biti postavljena bazna stanica za uspostavu GSM signala u Bioči?

Obrazloženje: Bioča je možda i jedino područje na općini Ilijaš gdje nije uspostavljen GSM signal BH – Telekom operatera. Iako su građani ovog naselja imali obećanja da će se to desiti od prije pet godina, do danas to nije u funkciji, niti ima naznaka da bi se uskoro moglo desiti. S tim u vezi, molim da mi se dostavi konkretan odgovor na ovo moje pitanje, bez lažnih obećanja kao što je to do sada bilo od strane menadžmenta BH – Telekoma. Ovo pitanje uputiti BH Telekomu.

Dalje, nakon sedam mjeseci dobio sam konačno odgovor na moju inicijativu koja se odnosila na izmjenu naziva sportske dvorane Ilijaš u naziv Sportska dvorana "Rašid Buća" Ilijaš. Neću ponavljati ko je bio Rašid Buća, to bi trebalo da zna svako dijete u Ilijašu. Nažalost, nije tako. Dobio sam jedan "bezobrazan" odgovor. Ja ću govoriti jezikom malo gorim nego što su oni meni napisali, jer jedino tako im se mogu suprotstaviti. Jedan "bezobrazan" odgovor Upravnog odbora KSC-a i menadžmenta KSC-a. Ovo je sramota općine Ilijaš, ovo je sramota upravljačke strukture KSC-a i ovog potpisnika predsjednika upravnog odbora koji je meni dostavio kao odgovor na moju inicijativu. Ovdje mi navodi da neće dati, ja ću reći da neće dati, jer sam tako preveo, neće dati ime sportskoj dvorani "Rašid Buća" zato što ne znaju koliki je doprinos dao taj čovjek za Bosnu i Hercegovinu. Neće, jer ne uče djecu da znaju ko je Rašid Buća i koliki je doprinos dao. Neće, jer degradiraju sve ono što smo mi radili od 1992. do 1995. godine. Neće, zato što ne uvažavaju odbrambeno-oslobodilački rat koji smo vodili, ne uvažavaju 250.000 žrtava koje smo dali za BiH, a Rašid Buća je jedan od njih i neće zato što misle da su oni svetinja ovdje u Ilijašu i da im je ovo "babovina". Ilijaš nije ničija "babovina", Ilijaš je od građana koji žive u njemu i tako treba da se ponašaju ovi u upravljačkoj strukturi KSC-a i Radio Ilijaša. Ovo je jedna od sramota. Zamislite, on mi navodi kao da ne znam čitati i pisati, pa valjda sam toliko naučio da to znam.

U odgovoru stoji da se mora mijenjati kompletnu struktura KSC-a ukoliko se da naziv sportska dvorana. Nigdje se u strukturi ne spominje naziv sportske dvorane. Nigdje i preambuli se ne spominje naziv sportske dvorane. Ona se spominje kao KSC i Radio Ilijaš.

Ovaj odgovor će završiti kao letak na svakoj ploči i banderi u općini Ilijaš.

Pitanje:

1. Kada će nadležna služba izaći na donicu puta od Donje do Gornje Bioče gdje je rađen "kadrovski" vodovod za jednog čovjeka i gdje je uništeno 2,5 km puta? Na prošloj sjednici sam tražio da se izađe na lice mjesta i utvrdi u kakvom stanju je put, ali očito niko nije, jer ništa nije poduzeto. Da li treba da i ovaj put propadne i ostane kakav jeste, a biočani taj put čekaju 30 godina i nakon 30 godina nam je urađeno to što je urađeno, a onda dođe neko da ga devastira zato što ima aspiracija prema nekome. Ovaj vodovod zovem kadrovski zato što je urađen za jedno domaćinstvo ili za jednog poduzetnika i stavljen je takav profil cijevi gdje se sigurno ne može napajati i stanovništvo koje je bez vode u Donjoj Bioči.

MEHO DŽINDO – vijećnik LDS-a

Pitanje-inicijativa-informacija

1. Stanovnici naselje Savića Brdo zamolili su me da postavim pitanje u vezi sa rekonstrukcijom puta u ovom naselju koji je u katastrofalnom stanju.

Obrazloženje: Mještani ovog dijela naselja su prošle godine uplatili određen iznos sredstava na žiro-račun općine za rekonstrukciju puta u ovom naselju. Niko iz nadležne službe nije posjetio ovo naselje, niti je informisao stanovnike o realizaciji ovog projekta. Stoga mole nadležnu službu da ih obavjesti kada se planiraju rekonstruisati dionice puta u ovom naselju.

Također, stanovnici ovog naselja pokreću inicijativu da se u dijelu ovog naselja postavi

ulična rasvjeta. Oni su saglasni da sami obezbijede betonske stubove i napojni kabel koji posjeduju. Stoga se obraćaju nadležnim organima općine, da posjete ovo naselje i pokušaju riješiti ovaj problem kako bi se poboljšali životni uslovi stanovnika, a pogotovo sigurnost djece koja su manjih uzrasta i pohađaju osnovnu školu. Osim toga, u ovom dijelu naselja živi pretežno stanovništvo iz Istočne Bosne koje je zbog ratnih dejstava protjerano iz tih krajeva, pa se po njihovom mišljenju osjećaju diskriminirano i manje vrijednim od ostalog stanovništva koje živi na ovim prostorima. Ovaj navod potkrepljuju činjenicom da ih nikada i niko od opštinskih organa nije udostojio običi i razgovarati o problemima koji datiraju već duže vrijeme.

SEMIR DEDIĆ – vijećnik SDA

Inicijativa:

1. Pokrećem inicijativu da se stanovnicima dijela Misoče (Dedići) obezbijedi bar jedna posuda za odlaganje kućnog otpada.

Obrazloženje: U navedenom naselju ne postoji niti jedna posuda za odlaganje otpada, a postojeće porodice koje nemaju vozilo taj otpad moraju nositi do najbliže posude koja je poprilično udaljena. Kako stoji u odgovoru na vijećničku inicijativu kolege Armina Matoruge dostavljenog od strane KJKP "Rad" d.o.o. Sarajevo, broj:02-01-07-2567/17 od 18.02.2017. godine, da u planu kapitalnih ulaganja ovog preduzeća postoji i nabavka posuda za odlaganje kućnog otpada, pokrećem ovu inicijativu da se jedna od tih novonabavljenih posuda postavi u ovo naselje u 2017. godini.

Pitanje:

1. Postavljam pitanje za firmu koja ima ugovor za prevoz putnika na općini Ilijaš (relacija Ilijaš-Misoča), konkretno "Centrotrans-Eurolines" d.o.o. Sarajevo, zašto se navedena linija ne ispunjava kako je predviđeno ugovorom tj. zašto njihove vozne jedinice ne saobraćaju do zadnje autobuske stanice, nego se okreću par stanica prije?

DAMIR FILIPOVIĆ – vijećnik SDP-a

Inicijativa:

1. Pokrećem inicijativu da se pored magistralnog puta u MZ Ljubina postave table sa oznakom naselja Ljubina.

Sada bih se referirao na odgovore na pitanja i inicijative sa prethodne sjednice vijeća.

U skladu sa inicijativom na prethodnoj sjednici, ponovo pokrećem inicijativu:

2. Da se izvrši nabavka tehničke opreme za snimanje video zapisa sa sjednica Općinskog vijeća Ilijaš.
3. U vezi sa drugom inicijativom sa prethodne sjednicu istu ponavljam, jer odgovor vrijeđa inteligenciju. Znači, ni u jednom momentu nisam pitao za ovo što je u odgovoru, uputio sam inicijativu da se napravi **podrubrika vijećničkih pitanja i inicijative i prisustvo vijećnika sjednicama općinskog vijeća**. Niko ne priča o temeljnim aktima općinskog vijeća. U inicijativi niko ne priča o nekim kategorijama i šta to treba, je li to dostupno građanima ili nije dostupno, jednostavno da se vide

odgovori vijećnicima, koliko se čuva dignitet ovog organa i ja molim i predsjedavajućeg i zamjenika predsjedavajućeg Općinskog vijeća Ilijaš da čuvaju dignitet ovog vijeća.

ALMIR ŠPIODIĆ – vijećnik BPS-Sefer Halilović

Pitanje:

1. Da li je iko iz Službe za stambeno-komunalne poslove općine Ilijaš utvrdio stanje puteva prije radova koje je vršio BH Telekom u MZ Podlugovi, kao i nakon završetka istih?

Obrazloženje: Na području MZ Podlugovi, tačnije u naseljima Vratuša, Sovrle i Makljen gdje su vršeni radovi, građani su se žalili da putevi nisu vraćeni u prvobitno stanje. Stoga, zahtijevam da nadležna općinska inspekcija izađe na dionice navedenog područja i sačini zapisnik o zatečenom stanju. Također, evo kolega insistira i za Mrakovo i Ljubnice, jer nisu ništa u boljem stanju.

Inicijativa:

1. Pokrećem inicijativu da se put iznad stadiona koji se koristi kao pješački put, vrati u prvobitno stanje, jer je isti dosta oštećen od strane JKP "Vodostan" koji je vršio radove prokopa pored puta.

S ciljem informiranosti javnosti, mi koji sjedimo ovdje, treba da se zapitamo šta učiniti da se zaustavi tendencija rasta odlaska mladih ljudi sa naše općine. Da se zapitamo zašto nam odlaze mladi ljudi i koje su posljedice njihovim odlaskom. Na vijećničko pitanje koje sam postavio na prošloj sjednici, dobio sam odgovor od Biroa za zapošljavanje Ilijaš i mogu reći da su podaci koje su dostavili zabrinjavajući. U januaru 2017. godine evidentirano je 5.106 nezaposlenih osoba, a od toga je 2074 NK. Ko su ovi ljudi i kakva je njihova sudbina u budućnosti? Po mom mišljenju, to su ljudi koje je rat omeo u školovanju i oni su većinom starosne dobi 45 godina i plus. Ono što me najviše interesovalo jeste koliko je osoba brisano sa Biroa u protekle tri godine, a nije zaposleno, nego je brisano po nekom drugom osnovu. Dobio sam i taj podatak i radi se o 754 osobe koje su brisane zbog neredovnog javljanja u dva uzastopna roka. 100 osoba je brisano zbog starosne dobi i 23 osobe su brisane po osnovu osvarivanja prihoda većih od 25% prosječne plate iz prethodne godine, po bilo kom osnovu. Ovdje se spominju 140 osoba koje su brisane na lični zahtjev zbog odlaska u inostranstvo. Ako uzmemo u obzir da se redovnim javljanjem na Biro ostvaruju benefiti kao što je zdravstveno osiguranje, onda ne vidim razloga zašto se ljudi ne bi redovno javljali, osim ako su napustili ovu općinu i otišli negdje van BiH. To znači da je većina od ovih 754 osobe, plus ovih 140, napustilo općinu Ilijaš u protekle tri godine. Znači, godišnje nam odlazi cca 300 ljudi. Oko ovog pitanja svi moramo povesti računa, a pogotovo vladajuće strukture, jer ovakvom tendencijom odlaska mladih ljudi mislim da ćemo biti u deficitu i sa kadrovima i sa radnom snagom.

SAUDIN DURMIĆ – vijećnik SDA

Inicijativa:

1. Molim nadležnu općinsku službu da putem JKP "Vodostan" izvrši uvid u vodovodnu mrežu u naselju Stari Ilijaš, tačnije od Stare Šepače do skretanja za Hadžiće. Pomenuti dio naselja ima problem sa pritiskom vode i isti su ovaj problem delegirali prema nadležnoj općinskoj službi. Obzirom da su radovi na rekonstrukciji lokalne



ceste, bilo bi poželjno da se ovaj problem riješi prije polaganja asfalta.

Na ovom lokalitetu je izražen i problem fekalne kanalizacije, pa je i ovom problemu potrebno pristupiti prije polaganja asfaltnog sloja tj. izvršiti pregled kanalizacione mreže i eventualno sanirati istu.

2. Izražavam nezadovoljstvo povodom dobijanja odgovora na pitanja postavljena Direkciji za ceste Kantona Sarajevo, a tiču se:
  - 1) Raskresanje putenih pravaca
  - 2) Zamjena saobraćajnog ogledala i
  - 3) Uklanjanje posipnog materijala sa lokalnih cesta u nadležnosti Direkcije za ceste Kantona Sarajevo.

Napominjem da sam pitanja i inicijative podnio i pismeno na 2. i 5. sjednici Općinskog vijeća Ilijaš.

AKIF BEŠLIJA – vijećnik SBB-a

Inicijativa:

1. Na zahtjev stanovnika MZ Mrakovo i MZ Podlugovi, opet pokrećem inicijativu da se naspu tzv. bankine pored puta na dionici od mosta i skretanja za Vratušu, pa do Podlugova, urede prilazi kontejnerima, naspu tzv. bankine pored puta, te da se što hitnije iznađe rješenje za čišćenje postojećeg kanala za otpadne vode od kontejnera na Vratuši, pa sve do mosta na skretanju za Mrakovo.

Obrazloženje: Istu inicijativu sam pokrenuo na sjednici koja je održana 29.11.2016. godine, te dobio odgovor da će se sve ovo regulisati u periodu ljetnog održavanja puteva, a kako je već sezona ljetnog održavanja počela, istu opet pokrećem.

Svjedoci smo da se u prethodnom periodu na području MZ Mrakovo i MZ Podlugovi vršilo kopanje i postavljanje cijevi za polaganje optičkih kablova kao i kopanje šahtova. Kopanjem istih na pomenutoj dionici došlo je do zatrpavanja i onako loših kanala za otpadne vode, te iste umjesto kanalom teku putem što može dovesti i do zaraznih oboljenja. Također, došlo je i do uništavanja nasipa uz asfalt tzv. bankine što se sve pretvorilo u blato, te je skoro pa nemoguće na pojedinim dijelovima da se automobili mimoiđu što svakako ugrožava odvijanje saobraćaja. Ovome dodajem i da je pojedinim kontejnerima nemoguće prići i odložiti smeće također zbog blata. Također, ovoj inicijativi dodajem i postavljanje ogledala kod kontejnera na Vratuši.

Molim nadležnu općinsku službu da izađe na teren, na navedenu lokaciju, utvrdi činjenično stanje, te naloži izvođačima radova da cijelu dionicu puta vrati u prvobitno stanje, a ne da je ostave uništenu.

**Prilog 1:** fotografije pomenute dionice

BESIM GLJIVA – vijećnik Stranke za Srednje

Inicijativa:

1. Uputiti zahtjev BH Telekomu da omogući prijem kablovske televizije "Moja TV" na širem području Donjih Ivančića, Gajeva i Dragorada, kao i internetski signal. Prije šest godina BH Telekom je na ovom području izgradio tri antenska stuba: Gudelj, Lokva i Dragoradi, ali nikada nije obezbijedio navedene usluge. Građani su primorani da koriste usluge Total TV koji je znatno skuplji i nepovoljniji za građane. Iz navedenog razloga građani u sve većem broju isključuju i fiksne telefone

BH Telekom koji su instalirani putem satelita preko navedenih antenskih stubova.

2. Neophodno je sanirati lokalni put za selo Gojanoviće koji je zbog odrona u prekidu već duže vrijeme. Dolazi sezona poljoprivrednih radova i bilo bi neophodno omogućiti pristup građanima navedenom selu.

#### ARMIN MATORUGA – vijećnik SDA

##### Inicijativa:

1. Pokrećem inicijativu prema preduzeću JKP "Vodostan" o preispitivanju kvalitete vodosnadbijevanja, odnosno adekvatne jačine pritiska gradske vode u naseljima Vlaškovo i Gornja Karaula.

Građani ovih naselja imaju pritužbe na kvalitet vodosnadbijevanja, a par domaćinstava u naselju Gornja Karaula su upotpunosti uskraćeni pristupom pitkoj gradskoj vodi.

#### ANEL BUMBULOVIĆ – vijećnik SDA

##### Inicijativa grupe građana i stanovnika INA-Makljen.

##### Inicijative:

1. Želim da vas obavijestim da je na području MZ Podlugovi u Ilijašu došlo do narušavanja zakona i narušavanja zdravlja ljudi, djece i ekološke zajednice. Naime, u naselju INA-Makljen bb, došlo je do stvaranja deponije smeća i opasnog otpada na lokaciji koja se nalazi uz rijeku Stavnju kao i uz samo naselje Makljen. Već nekoliko mjeseci uzastopno se vrši kontinuirano deponiranje otpada i smeća, te opasnih materija. Kamioni firme Barsa d.o.o. Visoko kontinuirano vrše dovoženje otpada sa područja drugih i naše opštine. U posljednjih 10 dana došlo je do dovoženja ogromnih količina kamionskih, automobilskih kao i guma malih vozila na ovom lokalitetu. Pored toga su dovožene i određene količine metalnih buradi, plastike, uljnih filtera i ogromnih količina zemlje sumnjivog porijekla u obliku asfalta, te velikih betonskih naslaga u kojima se nalaze velike količine željeza. U prilogu vam dostavljam mapu lokacije kao i fotografije sa lica mjesta.

Moramo napomenuti da smo dana 28.03.2017. godine na lice mjesta pozvali pripadnike MUP-a tj. Policijske stanice Ilijaš koji su izvršili uviđaj i fotografisali mjesto događaja. Uviđaju je prisustvovao određeni broj građana kao i predstavnik mjesne zajednice Safet Gabeljić koji se odazvao na poziv. Također, moramo napomenuti da je policija na licu mjesta utvrdila i pronašla direktnog počinioca ovih gore navedenih djela koji je istu i potvrdio, te izjavio "da je ovo njegova zemlja i da smije da radi šta god želi". Gospodin je vlasnik firme Barsa d.o.o. i rekao je da će nastaviti sa deponiranjem ovih materijala, te da će ih zatrpavati zemljom, jer je to "njegova zemlja". Navedena firma se bavi drvoprerađivačkim poslovima.

U samo nekoliko metara od "njegove" zemlje se nalaze naši domovi i rijeka Stavnja. Molim vas da nam podhitno pomognete i zaustavite ove protiv zakonite radnje, a koje se odnose na:

- 1) Kršenje člana Zakona 4., 5. i 6. - Zakon o upravljanju otpadom Kantona Sarajevo
- 2) Brojne druge zakone o ekološkim standardima, kao i narušavanje prava na život
- 3) Kršenje člana 13. Zakona o upravljanju otpadom

Podsjećamo Vijeće, načelnika i nadležne inspekcije na kaznene odredbe gore navedenog

zakona.

#### Član 52.

Ko prikuplja, tretira, pohranjuje, prevozi i odlaže otpad bez dozvole i time izazove opasnost i zdravlje ljudi, ili zagađenje zraka, vode ili zemlje, ili rizik za biljni i životinjski svijet, čini krivično djelo i kaznit će se zatvorom od tri mjeseca do tri godine. Ko odlaže eksploziv, zapaljivi, toksični ili zarazni otpad bez odobrenja i tim izazove opasnost po život i zdravlje ljudi ili zagađenje zraka, vode ili zemlje, ili rizik za biljni i životinjski svijet čini krivično djelo i kaznit će se zatvorom od jedne do pet godina. Ako je djelo iz stava 1. i 2. ovog člana učinjeno iz nehata, učinitelj će se kazniti novčanom kaznom ili zatvorom do jedne godine.

#### Član 53.

Novčanom kaznom u iznosu od 1.000,00 KM do 10.000,00 KM kaznit će se za prekršaj svako pravno lice ako:

- ne pribavi dozvolu za aktivnosti upravljanja otpadom (član 12.) ili krši uslove propisane u dozvoli;
- ne uskladišti otpad na okolinski prihvatljiv način prije njegovog odlaganja ili ponovnog korištenja (član 24.);
- redovno ne obavještava nadležni organ o otpadu preuzetom na tretman (član 29.);
- koristi otpad suprotno odredbi člana 31.;
- odlaže otpad suprotno odredbi člana 33.;
- vrši prekogranični promet otpada suprotno članu 39. stav 3.

Novčanom kaznom u iznosu od 500,00 KM do 2.000,00 KM kaznit će se za prekršaj iz stava 1. ovog člana odgovorno lice u pravnom licu.

Molim vas da u što kraćem roku pošaljete nadležne inspekcije na lice mjesta i da zaustavite daljnje deponiranje, te da se izvrši uklanjanje opasnih materijala sa lica mjesta.

**Prilog 2:** fotografije sa lica mjesta

2. Pokrećem inicijativu prema nadležnim opštinskim službama da izađu na teren i utvrde štetu nastalu na putevima pri izvođenju radova na polaganju optičke telekomunikacione instalacije u naseljenim mjestima Sovrle, Ina-Makljen, Vratuša u MZ Podlugovi, kao i ostale mjesne zajednice u opštini Ilijaš.

Obrazloženje: Firma Tele-invest Sarajevo je prije više od šest mjeseci završila postavljanje instalacija. Međutim, nisu izvršili rekonstrukciju i vraćanje u prvobitno stanje pomenutih puteva. Stoga je došlo do slijeganja nasipnog materijala, te otežanog kretanja vozila i stanovništva na tom području.

HALID DIZDAREVIĆ – vijećnik SDA

Inicijativa:

1. Pokrećem inicijativu prema JKP "Vodostan" da preispita kvalitet vodosnadbijevanja vodom, odnosno pritisak vode u naselju Karašnica. Naime, grupa građana se žali na loš pritisak prilikom kojeg ne mogu da rade kućanski aparati.

Inicijative:

1. Pokrećem inicijativu da se pored magistralnog puta u MZ Ljubina postave table sa oznakom naselja "Ljubina".
2. Pokrećem inicijativu da se izvrši nasipanje makadamskog puta koji vodi prema zaseoku "Bokšići".
3. Pokrećem inicijativu da se izvrši rekonstrukcija puta na području MZ Podlugovi, tačnije u naselju Sovrle na potezu Spomen česme.
4. Pokrećem inicijativu da se izvrši postavljanje rasvjetnih tijela na lokalitetu Novo Naselje-Mrakovo, krak prema Savića Brdu.
5. Pokrećem inicijativu da se riješi problem građana stambene zgrade u ulici Kakanjska br.29. koji je nastao izgradnjom puta od Fazumove zgrade prema putu koji vodi prema Mrakovu. Izgradnjom navedenog puta podignut je nivo istih za 60-70 cm, te cijev za oborinske vode Ø300 spojena sa kanalizacijom čiji je promjer Ø150 što izaziva plavljenje ulaza i podruma same zgrade. Do sada je bilo više inicijativa po ovom pitanju i postavljam pitanje zašto izvođač radova pomenutog puta nije prostor vratio u prvobitno stanje – funkcionalno stanje navedenih zgrada.

Pitanje:

1. Kada će se pristupiti izgradnji i postavljanju nadstrešnica na autobuskim stajalištima na području MZ Lješevo?

AD-2

Izveštaj o realizaciji zaključaka sa 6. sjednice

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

Izveštaj o realizaciji zaključaka sa 6. sjednice

AD-3

Izveštaj o izvršenju Budžeta općine Ilijaš za period 01.01.2016.-31.12.2016. godine

MERIMA OSMANOVIĆ – pomoćnica načelnika

Za izvještajni period 01.01.do 31.12.2016 Budžet općine Ilijaš je ostvario 12.547257,00 KM prihoda i primitka , što je 101 % od planiranih prihoda u Budžetu za 2016. godinu. Ostvareni izdaci su 10.408.231,00 KM, što predstavlja 83 % od planiranih izdataka u Prema tome ostvaren je suficit u iznosu od 2.139.026,00 KM.

KAO OBRAZLOŽENJE OSTVARENOG SUFICITA NAVODIMO :

- akumulirana sredstva institucija i građana za realizaciju infrastrukturnih projekata koji se nisu realizovali do kraja izvještajnog perioda gdje izdvajamo (projekat biznis centra, sredstva za zbrinjavanje Roma, sredstva za infrastrukturne projekte – putnu infrastrukturu, Sredstva za revitalizaciju Starog grada Dubrovnika, akumulirana sredstva za održavanje javnih skloništa kao i uvećani priliv sredstava po osnovu priliva za održavanje tekuće

likvidnosti ).

Porezni prihodi u izvještajnom periodu su ostvareni u iznosu od 5.059.800,00 KM ili 108%. Radi se o prihodima po osnovu poreza na prihod od imovine i imovinskih prava, poreza na nepokretnosti i prava , prihodi po osnovu indirektnih poreza, porez na dohodak i ostali porezi.

Kada se tiče neporeznih prihoda, u odnosu na ukupne prihode su ostvareni u procentu od 105 % ili 2. 344.500,00 KM. U ukupnoj strukturi ovih prihoda najveći prihodi su ostvareni po osnovu ostalih prihoda od imovine, administrativne i komunalne takse i prihoda po osnovu pružanja javnih usluga.

Tekući transferi od KS su ostvareni u iznosu od 787.603,00 KM što u odnosu na plan i predstavlja izvršenje od 104 %. i to Ministarstva za boračka pitanja za boračku populaciju po osnovu Zakona o dopunskim pravima boraca 300.901,00KM, prihodi od Ministarstva obrazovanja Kantona Sarajevo u iznosu od: 354.702,00 KM, a odnose se na subvencioniranje prevoza učenika osnovnih i srednjih škola, prihodi od Uprava za CZ Kantona Sarajevo- otklanjanje posljedica elementarnih nepogoda, Direkcija za puteve 2.000,00 KM – izrada elaborata slobodnostojećih panoa i displeja na javnim površinama KS .

Kapitalni transferi od ostalih razina vlasti ostvareni su u iznosu od 2.599 918,00 KM što predstavlja 112% ostvarenja u odnosu na plan.

1.Kapitalni transfer Države BiH 200 000,00 KM - izgradnja objekta za smještaj

Roma

Kapitalni transfer FBiH	302.417,00 KM
1. Federalno ministarstvo finansija za Industrijsku zonu Luke	77.417,00 KM
2. Federalno ministarstvo finansija Stari grad Dubrovnik	40.000,00 KM
Sufinansiranje puta Stari Ilijaš-Vlaškovo	125.000,00 KM
3. Federalno ministarstvo raseljena lica Put Polomska	60.000,00 KM

KAPITALNI TRANSFERI OD KANTONA 2. 072.501,00 KM

Ministarstvo komunalne privrede i infrastrukture za projekat rekonstrukcije vodovodne i kanalizacione mreže	450.000,00 KM
Ministarstvo zdravstva – Nadogradnja doma zdravlja	462.082,00 KM
Ministarstvo privrede za nabavku zemljišta u industrijskoj zoni	44.733,00 KM
Regulacija korita Rače	81.397,00 KM
Regulacija korita rijeke Misoče na dva lokaliteta	348.750,00 KM
Istraživanje hidrogeoloških potencijala vodotoka	50.000,00 KM
Rekonstrukcija prostora za biznis centar u KSC-u	79.800,00 KM
MINISTARSTVO SAOBRAĆAJA	
Rekonstrukcija puteva na području općine	275.000,00 KM
ZAVOD ZA IZGRADNJU KS	
Asfaltiranje ceste unutar industrijske zone	220.000,00 KM

Zatim primljeni grantovi općina u iznosu od 25. 000,00 KM Općina Centar 15.000,00 KM Za vodovod Bioča i Novo Sarajevo 10.000, 00 KM za otklanjanje posljedica elementarne nepogode.

Kapitalni primici od prodaje zemljišta ostvareni su u iznosu od 1.090.089,00 KM što predstavlja 127 % od plana Budžeta.

Kada se tiče rashodovne strane Bruto plaće i naknade uposlenim izvršene su u iznosu od

1.612.397,00 KM i predstavlja 93 % planiranih sredstava na godišnjem nivou dok su doprinosi poslodavaca ostvareni u okviru planiranih sredstava na godišnjem nivou. Sredstva za naknade uposlenim ostvarena sa 74 %.

Izdaci za materijal i usluge izvršeni su u iznosu od 806.405,00 KM što je 83 % planiranih sredstava na godišnjem nivou.

Kada se tiče pozicije tekući transferi, evidentirani su izdaci u iznosu od 2.015.097,00 KM što procentualno iznosi 90 % u odnosu na plan.

Kapitalni transferi i izdaci su ostvareni u iznosu od 5.723.227,00 KM što je 79 % od planiranog godišnjeg iznosa. Analitička struktura ovih izdataka a kojeg čine projekti izgradnje kanalizacija, infrastrukturni projekti po MZ, uređenje vodotoka, iz oblasti vodosnabdijevanja, objekti školstva, sporta, kulture, projekti rekonstrukcije cesta i mostova, investiciono održavanje cesta i mostova, sanacije klizišta, vjerski objekti i objekti kulturno-historijskog naslijeđa, što je sve detaljno prikazano kroz izvještaj.

Budžetska rezerva planirana utrošena u iznosu od 84.055,00 KM i to za rješavanje stambenog zbrinjavanja, pomoći u liječenju, učešće u sportskim takmičenjima i dr.

Smatramo da su ovim Budžetom realizovani svi ključni planski zadaci, a posebno svakako zavrjeđuje pažnju dio budžeta koji se odnosi na kapitalne transfere i izdatke kroz koje su realizovani brojni projekti koji su omogućili rješavanje brojnih problema i koji doprinose poboljšanju uslova i ugodnijeg življenja u općini Ilijaš.

I na kraju da naglasim da se redovno servisira dug prema Razvojnoj banci na ime kredita za izgradnju pješačke zone "Centar".

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

Izvještaj o izvršenju Budžeta općine Ilijaš za period 01.01.2016.-31.12.2016. godine

AD-4

Prijedlog Odluke o davanju mišljenja i saglasnosti Kantonu Sarajevo  
na prijedlog Zakona o izmjeni Zakona o komunalnim djelatnostima

AKIF FAZLIĆ – općinski načelnik

Mislim da svi znate o čemu se ovdje radi. Naime, mislim da je ovo treći put da dajemo saglasnost na produženje važenja Zakona iz oblasti komunalnih djelatnosti i komunalne čistoće. Vlada Kantona Sarajevo i Skupština Kantona Sarajevo nisu uspjeli u ovom roku provesti presudu Ustavnog suda koja zahtjeva izmjene Ustava Kantona Sarajevo i koja zahtjeva da se donese Zakon o lokalnoj samoupravi u Kantonu Sarajevo i na osnovu ta dva akta da se donesu novi Zakon o komunalnoj djelatnosti i Zakon o komunalnoj čistoći. Ovim dajemo dodatni rok Vladi i Skupštini Kantona Sarajevo da to usaglase. Ovim prilikom želim kazati da su intenzivirani i razgovori i politička usaglašavanja oko pokretanja procedura, prije svega, amandmana na Ustav Kantona Sarajevo, a onda će to dalje biti Zakon o lokalnoj samoupravi i mi tu trebamo biti uključeni, pratiti te procese i tražiti najbolji interes Općine Ilijaš u pozicioniranju kada su u pitanju preraspodjele nadležnosti unutar Kantona Sarajevo.

ALAN ŠERAK – vijećnik SDP-a

Pitanje za načelnika. Možemo li mi njima dati saglasnost na ovaj zakon dok se te stvari gore ne riješe, da nam se ne ponavlja da svake godine glasamo za ovo?

AKIF FAZLIĆ – općinski načelnik

Možda možemo, ali su oni napravili istu formu prema svim općinskim vijećima.

Diskutanata po ovoj tački dnevnog reda više nije bilo, pa je Općinsko vijeće jednoglasno donijelo

Odluku o davanju mišljenja i saglasnosti Kantonu Sarajevo  
na prijedlog Zakona o izmjeni Zakona o komunalnim djelatnostima

AD-5

Prijedlog Odluke o davanju mišljenja i saglasnosti Kantonu Sarajevo  
na prijedlog Zakona o izmjeni Zakona o komunalnoj čistoći

Diskutanata po ovoj tački dnevnog reda nije bilo, pa je Općinsko vijeće jednoglasno donijelo

Odluku o davanju mišljenja i saglasnosti Kantonu Sarajevo  
na prijedlog Zakona o izmjeni Zakona o komunalnoj čistoći

AD-6

Prijedlog Odluke o utvrđivanju novog građevinskog zemljišta i plana parcelacije  
za izgradnju turističko-rekreacionog kompleksa "Pioneers System" d.o.o. Sarajevo  
u mjestu Ljubina

MELIHA AVDIBEGOVIĆ – pomoćnica načelnika

Na lokalitetu između magistralnog puta Sarajevo-Tuzla na površini od 6459 m<sup>2</sup> planirana je izgradnja turističko rekreacionog kompleksa sljedećih sadržaja:

- hotel sa 10 bungalova na parceli površine od 855,89 m<sup>2</sup>
- zelene površine (mini golf, košarka, šetnice) 4603,11 m<sup>2</sup>
- asfaltne površine (saobraćajnica, parking prostor) 992,08 m<sup>2</sup>

Smještajni hotelski kompleks sadrži hotel sa BGP od 1600 m<sup>2</sup>, spratnosti Pod+P+3 sprata u kojem je planirano 14 apartmana, 2 dvokrevetne sobe i 46 ležajeva, zatim 10 bungalova dimenzija 6,4x8,7 m, spratnosti prizemlje i galerija, ukupne površine 57,56 m<sup>2</sup>, odnosno 575,6 m<sup>2</sup> ukupno.

Uz hotel su planirani, mini golf, košarkaško igralište, šetnice, ostale zelene površine. Kompletan lokalitet oplemenjen je hortikulturnim uređenjem. Cijelom dužinom korito rijeke Ljubine se uređuje. Vodovodna mreža predviđena je u dva dijela:

- tehnološka voda predviđena za kompleks se dopunjuje u prostor sa postojećeg bazena koji se zatvara-natkriva betonskom pločom i postavlja ostala oprema
- tehnološkom vodom se opslužuje i sistem hidrantske mreže.

Vodosnabdijevanje sanitarnom vodom se vrši putem vlastitog rezervoara koji se puni vodom iz cisterni od ovlaštenih javnih servisa (Vodostan Ilijaš, Vodovod i kanalizacija Sarajevo i sl.).

Kanalizacioni sistem je separatan. Odvod fekalnih voda rješava se putem vlastitog bio prečišćača koji je smješten u vlasničkoj parceli.

Za kompletnu infrastrukturu radi se projektna dokumentacija na nivou urbanističkog projekta.

Odluka je izrađena na osnovu odredbi Zakona o prostornom uređenju Kantona Sarajevo, Zakona o građevinskom zemljištu, a za mogućnost izgradnje objekta pribavljeno je mišljenje Zavoda za planiranje razvoja Kantona Sarajevo.

Komisija za prostorno uređenje i stambeno-komunalne poslove dala je pozitivno mišljenje, dok je Komisija za statut i propise uslovila pribavljanje mišljenja Pravobranilaštva Kantona Sarajevo.

Pribavljeno je i mišljenje Pravobranilaštva Kantona Sarajevo i dostavljeno Komisiji za statut i propise.

Obzirom da nema zakonske smetnje, predlažemo Općinskom vijeću da odluku usvoji kao u predloženom tekstu.

Diskutanata po ovoj tački dnevnog reda nije bilo, pa je Općinsko vijeće većinom glasova donijelo

Odluku o utvrđivanju novog građevinskog zemljišta i plana parcelacije  
za izgradnju turističko-rekreacionog kompleksa "Pioneers System" d.o.o. Srajevo  
u mjestu Ljubina

AD-7

Prijedlog Odluke o utvrđivanju novog građevinskog zemljišta i plana parcelacije za  
izgradnju apartmanskog naselja "Alyaseen" Dragoradi

MELIHA AVDIBEGOVIĆ – pomoćnica načelnika

Na lokalitetu Dragoradi uz lokalne saobraćajnice planirana je izgradnja apartmanskog naselja Dragoradi. Lokalitet je prema Prostornom planu Kantona Sarajevo za period 2003-2023. godina u zoni poljoprivrednog zemljišta VI bonitetske kategorije (vanurbano područje općine). O mogućnosti izgradnje predmetnih sadržaja pribavljeno je mišljenje Zavoda za planiranje razvoja Kantona Sarajevo oktobra 2016. godine kojim je dato mišljenje, obzirom da se radi o vanurbanom području izrada Plana parcelacije. Površina obuhvata iznosi 67.460 m<sup>2</sup> hektara na na kojoj je planirana izgradnja: 105 stambenih objekata površine građevinske parcele od 465-1180 m<sup>2</sup>, korisne površine objekta od 160-210 m<sup>2</sup> i saobraćajnice površine 6300 m<sup>2</sup> koje se povezuju za postojeće putne pravce, širina saobraćajnica je min 4,0 m.

Objekti se rade u tri varijante zavisno od nagiba terena, savremenog dizajna eksterijera i enterijera spratnosti prema nagibu terena od prizemlja sa potkrovljem do spratnosti suterena, prizemlje i potkrovlje. Po usvajanju plana parcelacije investitor je u obavezi izraditi projekte infrastrukture (vodovod i kanalizaciju, putnu mrežu na nivou urbanističkog projekta nakon čega slijedi postupak izdavanja dokumentacije o građenju za infrastrukturu, a zatim za objekte. Pravni osnov za donošenje ove Odluke je član 6. i 56. Zakona o prostornom uređenju kojim je definisana nadležnost općinskog vijeća za donošenje plana parcelacije i član 6. Odluke o građevinskom zemljištu kojim je definisano ostalo građevinsko zemljište.

Komisija za prostorno uređenje i stambeno-komunalne poslove dala je pozitivno mišljenje, dok Komisija za statut i propise nije imala primjedbi na pravni osnov za donošenje ove Odluke.



Obzirom da nema zakonske smetnje predlažemo Općinskom vijeću da Odluku usvoji kao u predloženom tekstu.

BESIM GLJIVA – vijećnik Stranke za Srednje

Vidim da je počela gradnja i na gornjem dijelu općine od strane stranih investitora. Međutim, da li smo razmišljali o problemu vodosnabdijevanja na ovom području. Lično i dalje mislim da, osim koristi koju jednokratno ima općina od ovih projekata, a jednokratna u smislu plaćanja taksi, uređenja i ostalog što investitor snosi, najveću korist imaju mešetari koji se bave preprodajom ovog zemljišta.

Ovaj projekat je na ekološki čistom prostoru i pitam se, prije svega, svjesni smo da im ne možemo obezbjeđiti adekvatno vodosnabdijevanje, kanalizaciju, kako i na koji način ćemo ovo rješavati. Ja imam informacije da je gore već kaparisano mnogo zemljišta i to će biti "invazija" na ove prostore. Znači, trebalo bi na vrijeme povesti računa, da poslije ne bude kasno.

MELIHA AVDIBEGOVIĆ – pomoćnica načelnika

Ove Odluke o planu parcelacije su osnova za pokretanje svih daljnjih procedura koje će služba poduzeti. Za ovakva naselja, općina ne obezbjeđuje infrastrukturu. Znači, radi se o vanurbanom području. Evo imat ćemo na redu slijedeća dva plana, pa obratite pažnju šta investitor treba da uloži da dođe do vode i da obezbjedi kanalizaciju. Ja sam rekla kroz ove Odluke da se rade projekti na nivou urbanističkog projekta, a to vam je kao planska dokumentacija. Pojedinačno za sve faze infrastrukture (vodosnabdijevanje,...) koji će se način odobriti od općine, Vodostana, to ćemo vidjeti u tim procedurama.

Diskutanata po ovoj tački dnevnog reda više nije bilo, pa je Općinsko vijeće većinom glasova donijelo

Odluku o utvrđivanju novog građevinskog zemljišta i plana parcelacije za izgradnju apartmanskog naselja "Alyaseen" Dragoradi

AD-8

Prijedlog Odluka o:

- a) usvajanju Regulacionog plana "Karaula"
- b) provođenju Regulacionog plana "Karaula"

MELIHA AVDIBEGOVIĆ – pomoćnica načelnika

Odluka o pristupanju izradi Regulacionog plana Karaula donesena je 2015. godine. Cilje izrade plana je:

- stvaranje kvalitetnije urbanizacije prostora
- opremanje lokaliteta potrebnom mrežom saobraćajne i komunalne infrastrukture, te povezivanje iste sa gradskom komunalnom mrežom.

Površina obuhvata 6,4 hektara, a planirane su za:

- stanovanje lokalitet A i lokalitet B 5,2 hektara
- društvena infrastruktura 0,4 hektara
- primarni saobraćaj 0,6 hektara.

Planom je predviđena izgradnja 61 stambenog objekta i jednog javnog objekta. Veličina parcela za izgradnju kreće se od 530 m<sup>2</sup> do 2915 m<sup>2</sup>, a površina objekta BGP 280 m<sup>2</sup>

spratnosti S+P+1. Parcela površine 4200 m<sup>2</sup> (K1) planirana je za izgradnju javnog objekta za namjene (pekara, prodavnica, mesdžid i dr.), objekat je BGP 1000 m<sup>2</sup>, spratnosti S+P+1. Saobraćajna povezanost predmetnog lokaliteta sa okolnim prostorom se ostvaruje spajanjem na postojeću lokalnu mrežu, kojoj je potrebno proširenje gabarita na 6 m, izuzetno na 5,5 m za dvosmjerni saobraćaj i pješačku stazu širine 1,5 m. Unutar naselja planirane su saobraćajnice širine 6 m i 5,5 m sa obostranim trotoarom širine 1,5 m.

Prilikom projektovanja i izgradnje objekata, saobraćajne i komunalne infrastrukture moraju se zadovoljiti svi uslovi dati u Elaboratu o inženjersko geološkim i geomehaničkim karakteristikama tla na lokaciji. Nadmorska visina planiranog naselja iznosi 630-730 metara nadmorske visine, što znači da se isto nalazi izvan zona snabdijevanja vodovodnom mrežom (I zona) 510 mn, zapremine rezervoara 3000 m<sup>3</sup>, zona II 560 metara nadmorske visine, zapremine rezervoara V-1000 m<sup>3</sup>.

Snabdijevanje vodom naselja vrši se putem rezervoara koji je planiran na koti 750 metara nadmorske visine zapremine 200 m<sup>3</sup>.

U cilju dopremanja potrebnih količina vode, do planiranog rezervoara, planirana je da se dio postojećeg distributivnog vodovoda u dužini cca 770 m i potisni cjevovod u dužini 1450 m rekonstruiše profilom Ø150 i izgradi novi potisni cjevovod do rezervoara u dužini od 1470 m.

Rekonstruiše postojeća PS i izgrade nove dvije PS.

Unutar naselja izgradi: 703 m potisnog cjevovoda Ø150 i 1690 m distributivnog cjevovoda Ø100.

Predviđeno je uključanje otpadnih voda u postojeći kolektor izgradnjom sekundarnih kanala dužine 2060 m profila Ø300 mm unutar naselja i primarnog kanal u dužini 2110 m profila Ø300 mm izvan naselja, a oborinske vode iz obuhvata odvedu planiranim kanalom za oborinske vode Ø300 mm do recipijeta u dužini 1840 m u regulisano korito vodotoka Misoča.

Predviđeno je da se toplifikacija objekata podmiruje putem individualnih ložišta.

Primarno napajanje električnom energijom je iz postojeće TS 35/10(20) kV Ilijaš, a rezervno napajanje iz nove planirane TS 110/10(20) kV Ilijaš (Željezara Ilijaš).

Rasvjeta saobraćajnica treba biti planirana u sklopu postojeće javne rasvjete.

Telekomunikaciju i kablovsku televiziju potrebno predvidjeti podzemnom linijom postojećih i planiranih saobraćajnica.

Na nacrt plana održan je javni uvid u trajanju od 15 dana kao i javna rasprava i u tom periodu nije bilo primjedbi na nacrt plana.

Komisija za prostorno uređenje i stambeno-komunalne poslove dala je pozitivno mišljenje na prijedlog plana, a Komisija za statut i propise nije imala primjedbi na pravni osnov za donošenje plana.

Stoga predlažemo općinskom vijeću da plan usvoji kao u prijedlogu.

Diskutanata po ovoj tački dnevnog reda nije bilo, pa je Općinsko vijeće većinom glasova donijelo

Odluku o usvajanju Regulacionog plana "Karaula" i  
Odluku o provođenju Regulacionog plana "Karaula"

AD-9

Prijedlog Odluka o:

- a) usvajanju Regulacionog plana "Apartmansko naselje Haluge" - Ilijaš
- b) provođenju Regulacionog plana "Apartmansko naselje Haluge" – Ilijaš

Odluka o pristupanju izradi Regulacionog plana "Apartmansko naselje Haluge"-Ilijaš donesena je na sjednici Općinskog vijeća Ilijaš 26.04.2016. godine.

Cilj izrade plana je:

- stvaranje kvalitetnije urbanizacije prostora,
- opremanje lokaliteta potrebnom mrežom saobraćajne i komunalne infrastrukture, te povezivanje iste sa gradskom komunalnom mrežom.

Površina obuhvata plana iznosi 14,1 ha.

Predmetni lokalitet je upotpunosti neizgrađen, a osim postojećeg makadamskog puta nije ni infrastrukturno opremljen saobraćajnom i komunalnom infrastrukturom.

Planom je predviđena izgradnja 133 nova objekta od čega je:

- 131 individualnih apartmanskih objekata
- 1 stambeno-poslovni objekat kolektivnog stanovanja,
- 1 objekat društvene infrastrukture sa sadržajima u funkciji stambenog naselja (trgovina, ugostiteljstvo, finansije, uslužne djelatnosti).

Izgradnja je planirana u dvije faze:

- prva faza 49 individualnih objekata,
- druga faza 82 individualna objekta, stambeno-poslovni objekat i 1 objekat društvene infrastrukture.

Površina parcela namjenjenih za individualnu izgradnju je od 612-1169 m<sup>2</sup>, prosječna spratnost planiranih objekata je Sut+P+1, arhitektonski riješene u 3 varijante, a MGP je 420 m<sup>2</sup>.

Na parceli (K50) u površini 2290 m<sup>2</sup> planiran je objekat društvene infrastrukture spratnosti S+P+1 a na parceli (K67) u površini 3246 m<sup>2</sup> BGP 1200 m<sup>2</sup> stambeno-poslovni objekat u kojem su mogući sadržaji obdanište i sl.

Pored glavne centralne saobraćajnice koja vodi do Komunalnog groblja Haluge, planirane su i lokalne saobraćajnice koje prate izohipse terena, radi što manjih nagiba i povoljnijih prilaza individualnim parcelama. Širina kolovoza je 5,5 m.

Uz saobraćajnicu su planirane pjašačke staze sa drvoredom, te centralna zona sa zelenilom, sportskim igralištem i igralištem za djecu.

Snabdijevanje vodom predmetnog obuhvata planirano je iz postojećeg rezervoara Ilijaš II (KD 560 metara nadmorske visine, zapremine 1000 m<sup>3</sup>), preko pumpne stanice potisnog cjevovoda do novoplaniranog rezervoara (KD 700 metara nadmorske visine, zapremine 250 m<sup>3</sup>).

U cilju dopremanja potrebnih količina u planirani rezervoar neophodno je da se, prije svega, izvrše određeni zahvati:

- rekonstrukcija postojeće mreže van naselja: distributivni cjevovod Ø150 (Ø50, Ø100 i Ø200) 1388 m

Novi cjevovod planiran van granica u dužini (875 m): distributivni cjevovod Ø150 dužine 25 m i potisni cjevovod Ø150, dužine 850 m.

Novi cjevovod planiran unutar naselja: 3742 m distributivni Ø100 mm 2537 m i potisni cjevovod Ø150 1205 m.

Odvod otpadnih voda definisan je na dva načina, priključkom na postojeću kanalizacionu mrežu uz rekonstrukciju i izgradnju bioprečišta.

Planirani kanali za otpadne vode unutar naselja Ø300 dužine 3015 m, a za oborinsku odu Ø300, 400, 500 i 600 mm dužine 3103 m.

Planirani kanal za otpadne vode izvan naselja Ø 300 mm dužine 2954 m, a oborinske vode Ø400 i 600 mm dužine 370 m.

Planirana dva separatora ulja i bioprečištač zapremine 200 m<sup>3</sup>.

Zagrijavanje objekata planirano je putem individualnih ložišta.

Primarno napajanje električnom energijom je preko postojećeg 35/10 (20) kV Ilijaš, a rezervno napajanje iz nove planirane TS 110/10(20) kV Ilijaš (Željezara Ilijaš).

Planom je predviđena nova trasa telekomunikacija do svih planiranih objekata.

Pravni osnov za donošenje ovog plana su članovi 44., 29. i 47. Zakona o prostornom uređenju.

Na nacrt plana održan je javni uvid u trajanju od 15 dana kao i javna rasprava i u tom periodu nije bilo primjedbi na nacrt plana.

Komisija za prostorno uređenje i stambeno-komunalne poslove dala je pozitivno mišljenje na prijedlog plana, a Komisija za statut i propise nije imala primjedbi na pravni osnov za donošenje plana.

Stoga predlažemo općinskom vijeću da plan usvoji kao u prijedlogu.

**AKIF BEŠLIJA – vijećnik SBB-a**

Evo čuo sam da se predviđa zaseban vod sa pumpama itd. Međutim, u ljetnim periodima nemamo dovoljno vode, a voda će se koristiti sa centralnog izvorišta. Stoga me interesuje da li se o tome razmišljalo, jer mi imamo problem vode?

**MEHO DŽINDO – vijećnik LDS-a**

Nekada je na ovom lokalitetu bilo planirano groblje Haluge. Planirali se neko zajedničko mezarje za ovaj narod?

**MIRSAD OSMANOVIĆ – vijećnik SDP-a**

Ako smo pratili izlaganje vezano za sve ponuđene dokumente da se pravi zaseban rezervoar Ø150 jedan, drugi i ako ja poznajem dobro Bernulijevu jednačinu, ovo što Akif kaže bitno je ovaj rezervoar i postojeći kapaciteti koji su za cijelo područje, oni će ga isprazniti, odnosno ovih 250 kubika napuniti za 63 minute i nadam se da su naši stručnjaci o svemu dobro razmislili, a kada se tiče kanalizacije otpadnih voda, odnosno primarni vod je mnogo manji, nego vod koji se dovodi, pa cijev od tristotke ubada se u cijev od stopedesetke, pa normalno je da će doći do zagušenja, pa bojim se da cijeli Ilijaš nebude imao sudbinu Kakanjске 29, da vode iskaču iz šahtova i plave podrume. Ne bi preuzeo veliku odgovornost i ovi ljudi koji su radili, mi parcijalno gledamo problem, on je na papiru fantastično riješen, nemamo početka, nemamo glave, nemamo nogu, samo gledamo trup to je idealno i odlično, ali bojim se da nam i ovo dole i ovo gore ne otpadne.

**ALAN ŠERAK – VIJEĆNIK SDP-a**

Na fonu što je kolega Bešlija govorio, a dešava se na što smo mi prije upozoravali, prateći sve dokumente koji dolaze od Zavoda za planiranje, vidjet će te jasno da oni nama sugerišu da se ova naselja snadbijevaju sa postojećeg vodostela, svjedoci smo da u ljetnom periodu mi nemamo dovoljno kapaciteta da podmirimo domicilno stanovništvo, te probleme imamo u Podlugovima, Misoči, Lješevu, a gradsko jezgro koliko toliko je trenutno opstalo i onda se dešava situacija da mi sada izdvajamo sredstava da vršimo bušotine tražimo dodatana izvorišta vode, kako bi smo mogli snadbiti neki desetak apartmanskih naselja kako je i planirano na području općine Ilijaš. Vodimo primarni vod sa crpne stanice, s iste te crpne stanice sa koje se cijeli doljni kraj Ilijaša snadbijeva vodom i sada imamo Popoviće sa pedeset i nešto kuća, imamo Haluge sa šezdeset i nešto kuća,

imamo planirane Kadariće, imamo Ljubiniće imamo planirano sijaset nekih apartmanskih naselja, a u isto vrijeme mi kao lokalna zajednica nismo se dovoljno u infrastrukturnom smislu razvili da mi mogli pratiti ovaj trend naglog porasta, odnosno građenja individualnih stambenih jedinica, treba obezbijediti i pitku vodu, riješiti kanalizaciju, odvođenje otpada i još svašta nešto. Iskreno ja se bojim da ćemo u skorijem periodu doći u ozbiljne probleme kada je u pitanju prije svega voda, a onda i sve drugo što se tiče infrastrukture.

MELIHA AVDIBEGOVIĆ – pomoćnica načelnika

Prijedlog Plana i idejna rješenja radila je institucija, a na ova idejna rješenja data je saglasnost Komunalnog preduzeća Vodostan Ilijaš, što znači da je ovo opravdan način rješenja vodovodne i kanalizacione mreže, ja neznam koliko ste vi shvatili ono što sam ja i pročitala, ali ovo su velika sredstva i velike dionice da investitor dođe do realizacije, odnosno da se snadbije sa vodom i kanalizacijom, niko ne pravi, odnosno općina ne pravi infrastrukturu do naselja, kompletna izgradnja infrastrukture pada na teret investitora. Po usvajanju Plana rade se projekti, kada dobiju urbanističke saglasnosti i dozvole za infrastrukturu tek onda ide dokumentacija o građenju za objekte, tako je isto bilo i za Popoviće. Investitor pravi infrastruktura do naselja, kao i projekte i izvodi radove i sve ide na općinu, u naselju to ide na investitora, ali on to predaje Vodostanu ili može naći firmu koja će upravljati tim unutra, ali praksa iz Popovića je pokazala da je normalno da se to preda na upravljanje Vodostanu. U narednom periodu valjda ćemo raditi na poboljšanju te količine vodovodne mreže za Ilijaš, nećemo ostati na razvoju prije 92 godine. Što se tiče komunalnog groblja Haluge imamo Regulacioni plan i on je ostao takav kakav jeste, on je još tu i kada budemo spremni možemo ići u realizaciju.

ALAN ŠERAK – VIJEĆNIK SDP-a

Nije sporno to ko će snositi troškove izgradnje infrastrukture do naselja, mi to ne sporimo korektno je da to ide na teret investitora, međutim problem je vode kao resursa, da li mi toga imamo dovoljno da bi opskrbili ova silna naselja, to je suština priče? Ja mislim da nemamo, što se tiče mišljenja od strane Javnog komunalnog preduzeća Vodostan, pa davali su oni i prije nekakva mišljenja, sjetite se samo Čekrčića kada su dali pozitivno mišljenje, a kada dođu ovdje da podnesu izvještaj prvo što kažu mi nemamo vode. Po meni Vodostan uzima krupan zalogaj po pitanju davanja mišljenja za vodu, doćemo u situaciju da nećemo imati dovoljno pitke vode za potrebe građana općine Ilijaš.

Diskutanata po ovoj tački dnevnog reda više nije bilo, pa je Općinsko vijeće većinom glasova donijelo

Odluku o:

- a) usvajanju Regulacionog plana "Apartmansko naselje Haluge" - Ilijaš
- b) provođenju Regulacionog plana "Apartmansko naselje Haluge" – Ilijaš

AD-10

Prijedlog Odluke o davanju saglasnosti za zaključivanje i potpisivanje  
Aneksa Ugovora o prodaji

Diskutanata po ovoj tački dnevnog reda nije bilo, pa je Općinsko vijeće većinom glasova donijelo

Odluku o davanju saglasnosti za zaključivanje i potpisivanje  
Aneksa Ugovora o prodaji

AD-11

Prijedlog dopunskog rješenja broj:06/1-31-658-1/14

Diskutanata po ovoj tački dnevnog reda nije bilo, pa je Općinsko vijeće većinom glasova donijelo

Dopunsko rješenje broj:06/1-31-658-1/14

AD-12

Prijedlog Poslovnika o radu Etičke komisije

Diskutanata po ovoj tački dnevnog reda nije bilo, pa je Općinsko vijeće većinom glasova donijelo

Poslovnik o radu Etičke komisije

AD-13

Informacija o dodjeli općinskih stipendija za učenike i studente  
u školskoj 20016/2017. godini

Diskutanata po ovoj tački dnevnog reda nije bilo, pa je Općinsko vijeće primilo k znanju

Informaciju o dodjeli općinskih stipendija za učenike i studente  
u školskoj 20016/2017. godini

Također, zamjenik predsjedavajućeg Alen Hasković je informisao vijećnike, da će predsjedavajući Općinskog vijeća Ilijaš, Mahir Dević pozvati predsjednike političkih stranaka koje participiraju u Općinskom vijeću na određenje konsultacije, koje se tiču pokretanja davanja koncesije za izgradnju hidrocentrale u Malešićima.

Nakon što je iscrpio dnevni red, zamjenik predsjedavajućeg Alen Hasković zaključio sedmu sjednicu OV-a Ilijaš u 12:00h.

Zapisničar:  
Maida Habibović

ZAMJENIK PREDSJEDAVALJUĆEG  
OPĆINSKOG VIJEĆA ILIJAŠ

Alen Hasković

\*\*\*\*\*

Ul. 126. ilijaške brigade br. 6, 71380 Ilijaš  
Tel. ++387 33 580-620, 580-698, fax. 400-505,  
Transakcijski račun kod VAKUFSKE BANKE,d.d. Sarajevo:1602000000710645  
e-mail [ov@ilijas.ba](mailto:ov@ilijas.ba)  
Broj certifikata:20938

